

*atu rekoñese buat di'ak no furak
ne'ebé Ita kuda iha sira ida-idak,
atu estabelese lasu sira unidade nian, projetu Komún nian
esperansa kompartillada sira. Amen.*

EMPEÑU

«Bem-komún nian ezije uluknanai respeitu ba pesoa umana nu'udar ema, ho direitu fundamentál no inalienável sira ne'ebé orienta ba nia desenvolvimentu integrál. Ezije mós dispositivu sira bem-estár nian no seguransa sosiál, no desenvolvimentu hosi grupu intermédium-sira, hodi aplika prinsipiu subsidiariedade nian. Iha grupu-sira ne'e, destake ho forma espesiál ba família nu'udar sélula prinsipál sosiedade nian. Ikus, bem-komún ezije dame sosiál, katak, estabilidade no seguransa, ne'ebé labele realiza bainhira ita la fó atensaun espesiál ba justisa distributiva, ne'ebé bainhira ita viola karik, jera nafatin violénsia. Sosiedade tomak – no, iha nia, liuliu Estadu – iha obrigasaun atu defende no promove bem-komún» (LS 156).

Knananuk taka adorasau:

Laudate omnes gentes

♩ = 69

p

Lau - da - te omnes gen - tes, lau - da - te Do-mi - num. Lau

da - te omnes gen - tes, lau - da - te Do-mi - num. Lau -

ALIANSA KÓSMIKA (Gn 9,8-15)

G. Kriasaun moris husi Maromak nia liman. Nia mak rezultadu husi ninia domin, knuuk atu simu kriatura-ema, fatin atu simu no halo ema sai boot. Nu'udar kriatura Maromak nian, kriasaun hatudu ba Maromak, halo ita kontempla ninia laran di'ak rohan-laek, hanesan S. Paulo hakerek ba Romanu sira:



H. “Hori mundu hahú, ema hatene ona Maromak nia kbiit rohan laek no kmanek Maromak nian ne'ebé matan la haree iha buat hotu ne'ebé Nia halo” (*Rm 1,20*).

L1. Kriatura sira mak “manu-ain sira ho lian maka'as” ne'ebé hatudu “Maromak nia realidade ne'ebé la haree ho matan”.

L2: Maromak nia hakaran di'ak mak don ida ne'ebé hakohak umanidade no rai tomak. Don ne'e nia grandeza no fafurak husu gratiduan no resposta laran-luak nian.

Knananuk ba espozisaun Santíssmu Sakramentu:

Bless the lord my soul
And bless God's holy Name!
Beless the Lord my soul!
He leads me into life

G: Ita invoka Na'i ho Charles De Foucauld nia liafuan sira:

H: *Na'i ha'u-nia Jezús, atu buat ida la haketak ha'u fuan husi Ita,
ha'u lakohi atu buat ida hela iha ha'u fuan se la horik iha Ita nian.
Buat hotu Ita hakarak, ha'u hakarak;
buat hotu Ita dezeja, ha'u dezeja.*

RONA LIAFUAN

L: Husi livru Génesis (9, 8-15)

Maromak lia tun ba Noé ho nia oan sira: «Ha'u atu halo Ha'u nia aliansa ho imi. Ho imi-nia bei-oan sira ne'ebé tuir imi, ho buat moris sira hotu, ne'ebé hela imi leet, manu sira, balada dian sira, balada fuik sira hotu ne'ebé moris ho imi, katak, sira hotu ne'ebé sai husi roo, hodi moris iha rai, Ha'u sei halo Ha'u-nia aliansa ho imi: Hori ohin ba oin, bee dilúviu nian sei la halo mate tan kriatura ida; dilúviu ida sei la halo aat tan rai». Maromak dehan: «Aliansa ne'ebé Ha'u atu halo ho imi, ho balada hotu ne'ebé moris ho imi, to'o bei-

oan sira hotu, ne'ebé sei tuirmai, nia sinál mak ne'e: Ha'u sei halo mosu Ha'u-nia baur iha kalohan sira leten, atu sia sinál aliansa entre Ha'u no rai. Bainhira Ha'u halo kalohan taka rai, hafoin mosu baur iha kalohan hirak ne'e, Ha'u sei hanoin Ha'u-nia aliansa ne'ebé Ha'u halo ho imi, ho balada moris sira hotu. Bee sira sei la sai tan dilúviu ne'ebé bele halakon kriatura hotu».

G: Husi Salmu 24—Solista no koru

Ref: *Na'i ita dalan sira mak domin no fidelidade.*

Na'i halo ha'u hatene Ita dalan,
hatudu Ita dalan mai ha'u.
Halo ha'u tuir Ita fidelidade no hanorin ha'u,
basá Ita mak Maromak ha'u makso'in nian.

Na'i, hanoin Ita mizerikórdia
no ita domin ne'ebé ba nafatin.
Hanoin ha'u iha Ita-nia mizerikórdia,
tan ita laran-di'ak, Na'i.

Na'i di'ak, halo justisa loos,
hatudu ba maksalak sira dalan loos;
dada dalan ba kiak sira tuir justisa,
hanorin kiak sira Ninia dalan.

KOMENTÁRIU

«Na'i haree katak ema nia laran-aat boot liu iha rai no iha sira nia fuan laran iha de'it mak nafatin hanoin» (Gen 6,5). Ne'e mak motivasaun ne'ebé sai baze atu haruka dilúviu universál husi Maromak nia parte: Na'i Kbiit-Na'in deside atu hamonu iha kosmu situaun kaos dahuluk ne'ebé molok ne'e nia hasai basá la iha ona solusaun seluk atu hapara buat aat ne'ebé habelar iha mundu.

Maski nune'e... natón de'it ema justu ida mesak nia prezensa, Noé, atu fanun hakaran di'ak iha Maromak hasoru ninia kriaun tomak: hakaran ne'ebé estratéjia matenek liu Buat Aat nian labele hamate.

Nune'e mosu mai "baur", arku-iris: ne'ebé sai simbolu Maromak nia baur tau iha lalehan nu'udar sinál dame nian (kf. Dt 32,23.42; Sal 18,15), eh nu'udar ponte ida entre lalehan no rai, atu hatudu rekonsiliaun entre Maromak no mundu. Buat ne'ebé importante mak aliansa eh moruk mak Na'i mesak ninia obra. Ema labele salva ninia an, maibé nia simu bolun atu hatán ba don ne'e hodi tau iha sirkulu don ne'ebé nia simu: iha konfrontu ho kriatura

tomak no ninia maun/biin-alin sira.

Maski parese katak aat hakonu mundu, ita keta rezigna an: buat ne'ebé ita bele halo iha ita-nia ain-haat ki'ik-oan sira la'ós bee-turu ida iha tasi laran, maibé hanesan ho Noé nia hahalok di'ak sira, mak modu loos ida atu Na'i hanoin kona-ba Ninia aliansa.

MAJISTÉRIU PAPA FRANCISCO NIAN

Husi Fratelli Tutti – Leitura pesoál

17. Tau matan ba mundu ne'ebé hale'u ita no sustenta ita signifika tau matan mai ita an rasik. Maibé ita presiza hari'i "ita" ida ne'ebé horiki ha Uma Komún. Podér ekonómiku sira la interese ba kuidadu ida-ne'e basá sira presiza manán lalais. Dalabarak lian sira ne'ebé hakilar atu defende ambiente, sira halo nonook eh halo pouku, hodi falun ho racionalidade buat ne'ebé loloos interese partikulár de'it. Iha kutltura ne'ebé ita dezenvelope daudaun, mamuk, buka mak imediatu no lahó projetu komún, «bele halo ita prevé katak, hasoru esgotamentu rekursu ruma nian, hahú kria fatin favoravel ba funu foun sira, haksumik an ho reklamasaun di'ak sira».

117. Bainhira ita ko'alia kona-ba tau matan ba uma komún, katak planeta, ita halo apelu ba buat ki'ik konxiénsia universál nian no preokupasaun ba tau-matan ba malu ne'ebé sei bele eziste entre ema sira. Defaktu, se ema ruma iha bee naresin maibé poupa hodi hanoin humanidade, ida-ne'e tanba nia atinje ona nível moral ida ne'ebé permiti atu nia hakat liu an rasik no ninia grupu pertensa nian. Ida-ne'e buat ida maravillozamente umanu! Atitude ida-ne'e mak presiza atu rekoñese ema hotu nia direitu umanu sira, inklu sira ne'ebé moris la'ós iha ita-nia fronteira rasik.

(silénsiu)

G: Ita harohan hamutuk Orasaun ba Kriadór ne'ebé Amu-Papa tau iha Fratelli Tutti ninia rohan.

H: *Na'i no Aman humanidade nian,
ne'ebé hakiak ema hotu ho dignidade hanesan,
tau iha ami fuan espíritu ne'ebé fraternu.*

Inspira ami mehi enkontru foun nian, diálogu nian, justisa no dame nian.

*Dudu ami atu kria sosiedade ida di'ak liu no mundu ida dignu liu,
lahó hamlaha, lahó moris-kiak, lahó violénsia, lahó funu sira.*

*Halo ami fuan nakloke
ba povu no nasaun hotu rai nian*